



Kuvendi i Komunës Klinë

01Nr. 06-14495 2024

Klinë, 26.04.2024

PROCESVERBAL

Nga mbledhja e rregullt e punës së Kuvendit të Komunës të mbajtur me datë 29 Mars 2024 në ora 10:00 në Sallën e Kuvendit të Komunës.

Pjesëmarrës në mbledhje është kryetari i Komunës, z. Zenun Elezaj, nënkryetarja e Komunës, znj. Marqe Selmani, përfaqësuesi i policisë, drejtorë të drejtorive, media lokale dhe qytetarë. Kryesuesi konstatoi se janë 24 anëtarë prezent ndërsa Blerta Gashi nuk do të marr pjesë ndërsa Kushtrim Haliti dhe Ilir Hoti pritët të i bashkohen mbledhjes.

Në lidhje më rendin e ditës Kryesuesi tha se është një pikë shtesë , materiali ka ardhur pasi që është shpërndarë materiali për këtë mbledhje dhe bëhet fjalë për një vendim të marrur nga ky kuvend për kompensim të trupave dhe komiteteve që i ka formuar ky kuvend dhe që sipas ministrisë së linjës duhet të rishikuar.

Për rendin e ditës fjalën e morri zonja Valmira Krasniqi e cila propozoi që për seancën e sotme të futet në rend dite propozimi për subvencionimi për çerdhe private dhe lirimi nga pagesat në ato publike për nenat vetushqyese. Zonja Krasniqi e arsyetoi propozimin e saj duke folur për rëndësinë e kësaj iniciative.

Kryesuesi në vazhdim për këtë propozim tha se rendi i ditës përpilohet nga kryesuesi i Kuvendit në bashkëpunim me kryetarin e komunës dhe shpjegoj se kur kanë të drejt që të bëjnë pika shtesë në rendin e ditës duke thënë se kjo bëhet vetëm në rast urgjence . Propozimin e znj, Valmira Krasniqi e vuri në votim dhe me 4 vota për 10 vota kundër dhe 3 abstenime NUK U MIRATUA.

Fjalën e morri edhe Valmir Bacaj i cili propozoj që pikën 9 të hiqet nga rendi i ditës si arsye se ne si kuvend nuk kemi përvojë të mirë më komisionet hetimore dhe nuk kemi kapacitete njerëzore për verifikimet e të punësuarve në komunë pasi që asamblistët nuk kanë njohuri të madhe në këtë proces të regrutimit. Po ashtu formimi i një komisioni komunal për hetimin dhe sqarimin e dhënies së numrit të lejeve për operatorët gurëthyes, punë të cilën mund ta

bëjë drejtoria e urbanizimit dhe mund ët thirret në interpelancë prandaj kërkojmë që kjo pikë të largohet.

Në lidhje me thirrjen e interpelancës kryesuesi i kuvendit z. Gashi tha se ndoshta është më mirë që të thirren dy interpelanca për këto dy propozime për themelimin e komisioneve hetimore dhe nuk ka nevojë të formohet këto komisione derisa këto çështje mund të debatohen dhe sqarohen në interpelanca. Kryesuesi tha se janë dy propozime : një që të hiqet pika e 9 dhe e dyta të thirret interpelancë në seancën e radhës me dy drejtoritë përkatëse.

z. Arben Limanaj tha se këto propozime që vijnë kështu në këtë formë në kuvend po na qesin ën lajthitje dhe po kemi dilema se si të marrim qëndrimin tonë si grup.

z. Valmir Bacaj tha se nuk është e thënë që të pajtohemi të gjitha grupet kuvendare me propozimet. Propozimi ynë ishte i qartë që të hiqet pika 9 e rendit të ditës dhe të thirret interpelancë me dy drejtoritë.

z. Esat Raci tha se te kjo pikë e rendit të ditës u krijua pak huti sepse Valmiri kërkoj që të hiqet pika 9 e rendit të ditës ndërsa kryesuesi tha që të hiqet dhe të thirret interpelancë ndërsa ata që e akne kërkuar këtë pikë të rendit të ditës akoma nuk e kanë arsyetuar këtë propozim. Për transparencë sipas z. Raci partia në pushtet nuk duhet të ketë frikë prandaj politikat e punësimit të bëhen transparente pasi që s' ka asgjë të keqe. Sa i përket LVV që ka kërkuar krijimin e komisioneve hetimore ata në nivel qendror jo më larg se sa dje i ikën krijimit të komisioneve hetimore për kontratat një burimore.

z. Zafer Gashi tha se deshifron që të përshëndes të gjithë besimtarët e krishterë pasi që të dielën janë pashkët. Prap procesverbali nuk është në rregull sepse nuk janë vendosur fjalët e mija qysh janë thënë. Ndërsa rreth kësaj , ne kemi ditur që të kërkojmë interpelanca edhe më përpara por ne kemi kërkuar formimin e komisioneve hetimore. Pastaj materialin tonë do ta ja bashkojmë materialit që do të grumbulloj komisioni hetimor. Z. Gashi në vazhdim shpjegoj në detaje për pikat që ata dëshirojnë të bëjnë hetim përmes një komisioni të formuar nga kuvendi, për punësimet dhe për fabrikën e çimentos, gurëthyesit etj. Ai kërkoj që të votohet të mbetet si pikë e rendit të ditës.

Propozimi i formuluar nga kryesuesi që të hiqet pika 9 nga rendi i ditës dhe të thirret interpelancë me dy drejtoritë u vu në votim dhe me 14 për, 2 kundër dhe 5 abstenime U MIRATUA.

Rendi i ditës në tërësi me 25 vota për, asnjë kundër dhe asnjë abstenim U MIRATUA

Pika 1 e Rendit të Ditës: Arsyetimi i mungesave

Mungojnë Blerta Gashi dhe Ilir Hoti.

Pika 2 e Rendit të Ditës: Shqyrtimi dhe aprovimi i Procesverbalit të seancës së kaluar.

Me 24 vota për asnjë kundër dhe asnjë abstenim U MIRATUA.

Pika 3 e Rendit të Ditës: Shqyrtimi dhe miratimi i rekomandimeve nga KPF-ë

Kryesuesi tha se janë dy kërkesa që janë adresuar. Një është rekomanduar tek drejtorja e arsimit dhe kërkesa e dytë tek drejtorja e shërbimeve publike. Përgjigjet do të marrim tek pyetje e përgjigje.

Rekomandimet e KPF-së me 25 vota për asnjë kundër dhe asnjë abstenim U MIRATUAN

Pika 4 e Rendit të Ditës: shqyrtimi i propozim vendimit të drejtorisë së arsimit për ndërrimin e titullarit të pronës

z. Qemajl Sejdia, drejtor i DKA: Përshëndetje të gjithëve. Vendimi për ndërrimin e një çerdhe në pronën ku është shkolla fillore "Motrat Qiriazit" në vitin 2023 jua kemi dërguar të gjitha dokumentacionin bashkë me kërkesën. Është konfirmuar që do të filloj ndërrimi në vitin 2024 dhe prap na ka ardhur një kërkesë që të ndërrohet titullari që parcela të mos jetë në emër të shkollës por në emër të komunës.

z. Arben Limanaj: Dëshiroi që të pyes se a është në përgjegjësinë tonë ndërrimi i titullarit. Ligjërisht a është në kompetencën tonë.

z. Fadil Gashi, kryesues: Nëse e ke mendimin për pronat shoqërore që i menaxhon AKP, nuk është në atë pronë. Është pronë shoqërore në emër të shkollës që duhet të ndërrohet titullari të kaloj në atë të komunës.

Me 25 vota për, asnjë kundër dhe asnjë abstenim U MIRATUA.

Pika 5 e Rendit të Ditës: Shqyrtimi dhe miratimi i propozim vendimi i drejtorisë për Kulturë, Rini dhe Sport për ndarjen e mjeteve për mbajtjen e festivalit folklorik "I Këndojmë lirisë"

Kryesuesi tha se në buxhet është planifikuar dhe mjetet janë. Janë 25000 euro jo 20000 pasi që 5000 janë kërkuar që të jenë rezervë dhe nuk do të thotë që do të harxhohen. Të jenë rezervë që mos të ketë nevojë për procedura shtesë.

Me 25 vota për, asnjë kundër dhe asnjë abstenim U MIRATUA

Pika 6 e Rendit të Ditës: Shqyrtimi dhe miratimi i planit të punës për ekipin komunal për të drejtat e fëmijëve 2024-2026.

Pa debat, me 25 vota për, asnjë kundër dhe asnjë abstenim U MIRATUA.

Pika 7 e Rendit të Ditës: Shqyrtimi dhe miratimi i propozim vendimit për vënie në diskutim publik të rregullores për taksa, tarifa dhe ngarkesa komunale

Pas sqarimit të kryesuesit pa diskutim u vu në votim dhe me 25 vota për asnjë kundër dhe asnjë abstenim U MIRATUA.

Pika 8 e Rendit të ditës: Informatë për menaxhimin e situatave në mirëmbajtjen e rrugëve dhe trotuareve gjatë sezonit dimëror.

z. Qendrim Millaku, drejtor i SHPE: Përshëndetje të gjithëve. Komuna e Klinës ka një kontratë tre vjeçare për pastrimin dhe mirëmbajtjen e rrugëve. Drejtoria e jonë ka qenë në gjendje gatishmërie gjatë sezonit të dimrit. Me rastin e rënies së borës së parë Komuna ka reaguar dhe ka bërë pastrimin e të gjitha rrugëve nëpër fshatra ku ka pasur nevojë. Diku 150 km gjatësi janë pastruar brenda ditës dhe ajo ka qenë në kontrollë. Situata ka qenë e kënaqshme dhe rrugët kanë qenë të kaluara.

z. Esat Raci: Dëshiroj të pyes. Ngrica ka pasur edhe këtë vit. A keni mjete, buxhet që të rregullohen rrugët aty ku janë dëmtuar gjatë sezonit të dimrit. Kërkoj që ndërhyrje të tilla të behën menjëherë në pranverë.

z. Qendrim Millaku, drejtor i SHPE: Siç e kemi kontratën për mirëmbajtjen dimërore po ashtu e kemi kontratën edhe për sajimin e gropave që i rregullojmë gjithsesi. Edhe këtë vit kemi kontratën e tillë dhe sigurisht që do të ndërhyjmë ku ka nevojë.

Pika 9 e Rendit të Ditës: Rishikimi i vendimit të marrë nga kuvendi për kompensimin e trupave dhe organeve që i formon Kuvendi. Kërkuar nga Ministria përkatëse.

Kryesuesi Gashi shpjegoj shkresën e ardhur nga ministria . Ai e lexoj shkresën që sipas ministrisë vendimi i kuvendit nuk është në harmoni me ligjin. Në vazhdim kryesuesi theksoi se kemi komitetin për komunitete ku 3 anëtarë të këtij komiteti paguhen dhe 4 anëtarë të tjerë nuk paguhen dhe kjo nuk është aspak barazi që nga ministria e kërkojnë. Vendimi i ynë i marrë në këtë kuvend tha kryesuesi është bazuar në të gjitha aktet nënligjore të prodhuar nga vet Ministria. Në vendimin tonë nuk e kemi nxjerrë bazuar në statusin e Komunës dhe as në rregulloren e Kuvendit por jemi bazuar në rregulloret, udhëzimet dhe dokumentet që i ka prodhuar Ministria dhe janë në fuqi.

Kryesuesi shpjegoj në vazhdim dokumentet se ku janë bazuar në kuvend kur e kanë marrë këtë vendim. Por, kryesuesi tha se jemi para tre alternativave: Jemi brenda afatit për rishqyrtim dhe si kuvend ne e plotësojmë kriterin derisa e rishqyrtojmë dhe mbesim në përkrahje të këtij vendimi dhe këtë çështje e zgjedh gjykata në vazhdim, e dyta alternativë është që të anulohet ky vendim dhe e treta alternativë është që Komuna e Klinës ta padisë ministrinë për këtë shkresë. Individualisht çdonjëri nga këto trupat që i kemi themeluar në kuvend mund të na padisin për mos pagesë ose mundësia tjetër është që është edhe logjika e ministrisë që të gjithë trupat e themeluar të anulohen dhe të mbetet vetëm dy komitetet konsultative.

z. Esat Raci: Unë propozoj që të qëndrojmë pranë vendimit që kemi marrë. Po e rishqyrtojmë sipas kërkesës dhe po mbesim pranë vendimit tonë. Nëse do ministria le ta dërgoj në gjykatë vendimin e kuvendit.

z. Tunë Dedaj: Përshëndetje. Së pari ju uroj të gjithë shqiptarët për dy festa që kemi përpara Pashkët dhe Bajramin. Tani, derisa vet ky kuvend i ka themeluar këto komitete e trupa, qëndroj pran faktit se këto trupa duhet paguar për aktivitetin që bëjnë.

z. Zenun Elezaj, kryetar i Komunës: Përshëndetje të gjithëve. Duhet ta kemi parasysh një fakt se ky është një vendim që nuk e ka ligjshmërinë dhe do të jetë problem që të

ekzekutohet. Pajtohem plotësisht me diskutimet edhe të kryesuesit edhe të anëtarëve të kuvendit por mendoj që është më mirë të anulohet dhe të kemi një përpjekje të re pasi që të jemi konsultuar pak më shumë duke gjetur mundësi më të mira. Nëse qëndrojmë pranë këtij vendimi besoni se do të shkoj kohë e gjatë deri të merr epilog.

z. Fadil Gashi, kryesues: Jemi të vetëdijshëm që epilogu i gjykatës për këtë vendim do të merr kohë të gjatë dhe deri në atë epilog nuk ka dilema që s' mund të bëjë pagesë komuna. Në lidhje me koordinim ose mos koordinim unë e kam shkresën e datës 20 qershor 2023 që ju kam drejtuar ministrive në emër të kolegjiut për këtë çështje dhe çështje të tjera.

Kryesuesi zëbërthej shkresën drejtuar ministrive në emër të Kolegjiut pasi që është edhe kryetar i kolegjiut dhe tha se përpjekja me nivelin qendror ka qenë konstante dhe koherente për gjetjen e një zgjidhje.

z. Valmir Bacaj: Ndoshta më e rrugës do të ishte që zyra ligjore të na përgatisë një shkresë dhe të dërgohet në gjykatë dhe pastaj një vendim i gjykatës do ta sqaronte këtë çështje.

z. Kolë Prenaj: Përshëndetje. Unë kam edhe një kërkesë që nëse llogaritet marrëdhënie e punës paga e asamblistit, edhe përvoja e punës mundësisht që të i bashkëngjitet kësaj kërkesë.

z. Binak Sylaj, drejtor i administratës: Përshëndetje. Unë sa jam në dijeni, çështja e përvojës së punës është e rregulluar. Është diskutabile për ata që kanë dalë në pension të cilëve nuk ju ndalen kontributet dhe sistemi nuk i pranon por mbetet të shikohet në instanca më të larta.

Pas diskutimit të më tejshëm për këtë çështje, se cilin variant të zgjedhin dhe që do të ishte më i pranueshëm u propozua që Vendimi të anulohet dhe ditëve në vazhdim të shihet dhe bëhet përpjekje për një vendim tjetër pasi të jenë konsultuar me të gjithë faktorët relevant me qëllim që të merret konfirmimi ligjor paraprakisht ashtu siç propozoj kryetari i Komunës, z. Elezaj.

Ky variant u vendos në votim dhe me 20 vota për 2 abstenime asnjë kundër u ANULUA Vendimi i seancës së kaluar.

Drejtori Binak Sylaj para se të kalohet në pikën tjetër të rendit të ditës kërkoj nga anëtarët e komisionit për zgjedhjen e këshillave në bashkësi për një takim të shkurtër për disa sqarime në lidhje me koordinimet e punës.

Pika 10 e Rendit të Ditës: Pyetje dhe Përgjigje

z. Fadil Gashi, kryesues: Unë dua të ngrit një shqetësim që ka të bëjë me varrezat e qytetit në Zajm. Janë 27 hektar që i kemi dhënë për 5 hektar të varrezave. Nuk ka asnjë kriter që përdoret as në ceremoni varrimi as në varrime as në mirëmbajtje. Kemi një rregullore që shumë mirë i përcakton përgjegjësitë dhe obligimet. Mes tjerash në këtë rregullore neni 14, të merret leje nga organi kompetent ose ndërmarrja që e autorizon Komuna. Aty kanë nisë me zënë tokë me i vendos rrethojat me rezervuar vendin për varrime të familjareve. Duhet gjetur

mënyra se si ti qaset mirëmbajtjes së varrezave të cilat nuk kanë staza nuk ka fare mirëmbajtje. Askush nuk lirohet nga përgjegjësia. Neni 16 thotë se në mesin e atyre që ndalohet është edhe prishja e rendit ën varreza. Unë kam bërë fotografi që shihet se varrimet janë krejtësisht pa radhë. Për varre familjare janë procedura që parashihen edhe në rregullore . Është shqetësim sepse në fund të fundit janë pasqyrë e jona, kulturë e jona dhe dikush duhet të merret me këtë çështje.

z. Tunë Dedaj: Pajtohem shumë me atë që thatë ju por kam një kërkesë që në varrezat e qytetit të ndahet edhe një hektar për varret të të krishterëve.

Kryesuesi saktësoj që kur është bërë rregullorja e edhe kur është ndarë toka për varreza është ndarë për të dy besimet fetare.

z. Zenun Elezaj, kryetar: Është e ndarë me marrëveshje gojore për besimtarë të krishterë. Pajtohem me atë që e tha kryesuesi por ne jua kemi lënë në dorë bashkësisë fetare. Janë ndërtuar edhe shtigjet e ecjes konform rregullave fetare por gjithsesi ne përmes drejtorisë së shërbimeve publike dhe inspektorati do të bëjmë takime dhe do të fillojmë që të caktojmë rregullat sipas rregullores.

z. Arben Limanaj: Pyetjen e parë e kam për drejtorinë e urbanizimit, një pyetje nga qytetari i Dobërdolit për varrezat e Dobërdolit, varrezat e këtij fshati, se a është iniciuar si procedurë për këtë vit. Pyetjen e dytë e kam për borxhet që ka komuna ndaj mësimdhënësve për shujta, transport, kualifikim etj. Një vendim gjykate është marrë në favor të mësimdhënësve por komuna e ka apeluar këtë vendim. Thjesht dëshiroi të kem një përgjigje nga ekzekutivi.

z. Qemajl Sejdia, drejtor i DKA: Komuna e Klinës për dallim nga komunat e tjera qëndron shumë më mirë sa i përket zbatimit të kontratës kolektive. Jemi një ndër komunat që kemi paguar më së shumti. Sa e diji unë, kemi edhe 84 mijë euro borxh. Vitin e kaluar ishte planifikuar që të paguhen në mënyrë lineare dhe i kemi dërguar për pagesë por është qeveria që i ka stopuar. Ministria e arsimit dhe ajo e financave i kanë bllokuar. Përndryshe ne kemi paguar aq sa kemi pas mundësi që mësimdhënësit mos të shkojnë nëpër gjykata. Të gjitha lëndët që janë pa paguar janë në proces gjyqësor.

z. Enver Berisha, drejtor i urbanizmit: Përshëndetje. Sa i përket varrezave në fshatin Dobërdol , kjo është çështje e drejtorisë së Shërbimeve publike.

z. Zenun Elezaj, kryetar: Projekti i rrethojave të varrezave është në procedurë të prokurimit dhe këtë vit do të përfundoj.

z. Zafer Gashi: Kam një pyetje për kryetarin. Ka qenë një thirrje publike prej ministrisë së planifikimit hapësinor për ndarjen e lokacioneve për ndërtimin e banesave për çiftet. A keni arritë që të kompletini dokumentacionin e nevojshëm dhe a keni aplikuar për këtë projekt të qëlluar. Një qytetar i Kërnicës më ka shkruar që të pyes kryetarin për gjendjen e ujit të pijshëm në Kërnicë, pasi që kanalizimet po përzihen me ujët e pijshëm dhe kanë nisur të përhapen sëmundje të ndryshme.

z. Zenun Elezaj, kryetar: Ne kemi propozuar një tokë në drejtim të rrugës të fabrika e këpucëve. Por kemi nj problem sepse nuk është zonë që i përshtatet ndërtimit kështu që ka mbetur që të rregullohet përmes PZHK. Unë kam kërkuar që të dërgohet ashtu siç është dhe a do të merret parasysh do të shohim, Është dërguar me vonesë sepse kanë pasur probleme me destinimin e tokës dhe teren tjetër nuk kemi gjetur. Lidhur me furnizimin me ujë të pijshëm në Kërnicë dhe përzierjen me ujëra të zeza është mirë që të i drejtohet tek drejtorja e urbanizmit. Nuk po e di si ka mundësi që të përzihet uji i pijshëm me ujërat e zeza përveç nëse uji i pijshëm merret nga pusët. “Hidrodrini” i bënë analizat dhe monitoron kualitetin e ujit gjithsesi. Këtë vit në Kërnicë është planifikuar që të ndërtohet kanalizimi i ujerave të zeza dhe janë 80 mijë euro të ndara dhe i cili kanalizim do të lidhet me kanalizimin e fshatit Shtupel. Mund të mos përfundoj komplet këtë vit por është planifikuar edhe vitin tjetër që të përfundoj dhe edhe nëpër lagje të Kërnices të shtrihet kanalizimi.

z. Kushtrim Haliti: Përshëndetje. Kam tre pyetje. 1. për drejtorin e shëndetësisë. Kam qenë me 16 mars rreth orës 16 dhe kishin qenë tre pacient duke pritur për lirim të shtratit për marrjen e infuzioneve por kur ka ardhur pacienti i katërt, njw teknik e ka marrë dhe e ka futur nga emergjenca direkt në shtrat pa pritur radhën hiç. 2. Për drejtorin e administratës: Makinat zyrtare pas orarit të punës a parkohen këtu te gjykata apo ka drejtor që e shfrytëzon pas orarit të punës. 3. Për drejtorin e Bujqësisë: Një fermer nga fshati Gjurgjevik, Dinë Banushaj, ka bërë kërkesë për inspektim sepse po i ngordhin delet, rreth 50 dele deri tash por askush nuk e ka vizatur nga Komuna. Dhe pyetja e fundit për drejtorin e urbanizmit: Pranimin teknik të rrugëve që e keni bërë para vitit të ri, d.m.th. në 2023, e që ato rrugë akoma nuk kanë përfunduar, çka do të bëhet me to.

z. Agron Bacaj, drejtor i Shëndetësisë: Pacientët nëse janë duke pritur në radhë , duhet të presin, tekniku nuk ka të drejt të merr asnjë pa radhë .

z. Binak Sylaj, drejtor i administratës: Të gjitha veturat që shfrytëzohen nga zyrtarët publik kthehen në parkim pas orarit të punës. Janë disa drejtor që i kanë disa detyra të veçanta dhe që i shfrytëzojnë makinat edhe pas orarit të punës por në shërbim të qytetarëve e jo në shërbim të vetvetes.

z. Lorenc Marleku, drejtor i Bujqësisë: Po ka qenë fermieri tek unë, e diji rastin. Unë e kam udhëzuar që të shkoj në inspektorat të bëjë një procesverbal të konstatoj gjendjen me një veterinar dhe në AVUK. Nuk kemi asnjë kompetencë ne si drejtor.

z. Faruk Smajli, drejtor i inspektoratit: Kjo kërkesë ka ardhur edhe në inspektorat dhe ne kemi bërë procesin të cilin e kemi dërguar në AVUK. Ata i kanë marrë dy mostra dhe janë duke bërë analizat.

z. Enver Berisha, drejtor i urbanizmit: I nderuar Kushtrim nuk ndodhë me u bërë pranimi teknik pa u krye puna. Nuk e diji cila rrugë, cili projekt. Është mirë që të specifikohet ku është ai rast.

z. Kushtrim Haliti: Ka të bëjë me rrugën “Afrim Haliti”. Të kam pyet edhe këtu në kuvend dhe keni deklaruar që po është bërë pranimi teknik. Pas seance mund shkojmë në vend dhe e shef që nuk ka përfunduar ajo rrugë.

z. Enver Berisha, drejtor i urbanizmit: Kanë qenë dy projekte për atë rrugë. Një projekt bazë dhe një tjetër aneks memorandum me Komunën e Skenderajt. Ajo ka përfunduar si rrugë por mund të ketë pasur dëmtime gjatë sezonit të dimrit. Operatori e ka kontratën dhe para masat, çdo gjë që ka në para masë i ka vendosur.

Znj. Leonora Jaha-Dakaj: Përshëndetje. Kam një pyetje për drejtorin e financave lidhur me tatimin e tokave bujqësore. A mund të na jepni një informatë se sa është tatimi për një ari dhe kur është afati i pagesave. A do të ketë masa ndëshkuese nëse nuk kryhen pagesat me kohë?

z. Enver Berisha, drejtor i FEZH: Përshëndetje. Tani ka hyrë edhe tatimi në tokë dhe nuk është tatimi i njëjtë për të gjitha tokat. Ajo varet nga kategoria e tokës. Afati për pagesën e parë është 30 prilli ndërsa nga 1 maji fillon me u apliku kamata.


z. Fadil Gashi, kryesues: A mund at dijë se kujt i faturohet kjo sepse nëse i faturohet babagjyshit tim është e kotë.

z. Enver Berisha, drejtor i FEZH: Tatimi faturohet në emër të pronarit ose ish pronarit.

Pasi që nuk kishte pyetje të tjera në këtë pikë të rendit të ditës, kryesuesi duke ju uruar festen e pashkëve i falënderoj të gjithë për pjesëmarrje dhe kontributin e dhënë dhe e shpalli të mbyllur mbledhjen e kuvendit.

Procesmbajtës:

Skënder Behramaj



Kryesues:

Fadil Gashi

